

Član 3.
(Bezvizni režim za državljane Albanije)

- (1) Državljeni Albanije, nosioci važećih običnih pasoša, izuzimaju se od obaveze pribavljanja viza u svrhu ulaska, izlaska, tranzita i boravka na teritoriji Bosne i Hercegovine do 90 dana u periodu od 180 dana od dana prvog ulaska, a u skladu sa zaključenim međunarodnim sporazumom.
- (2) Državljeni Albanije, nosioci pomorske knjižice (lična karta pomorca, uz posjedovanje brodskog dokumenta ili izvoda iz njega), putne isprave koja služi za povratak u Albaniju i generalne deklaracije (zadatak leta), izuzimaju se od obaveze pribavljanja viza u svrhu ulaska, tranzita, privremenog boravka i izlaska sa teritorije Bosne i Hercegovine, a u skladu sa zaključenim međunarodnim sporazumom.
- (3) Državljeni Albanije, nosioci diplomatskih i službenih pasoša, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine do 90 dana, a u skladu sa zaključenim međunarodnim sporazumom.

Član 4.
(Bezvizni režim za državljane Alžira)

Državljeni Alžira, nosioci diplomatskih pasoša, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine do 90 dana od dana ulaska, a u skladu sa zaključenim međunarodnim sporazumom.

Član 5.
(Bezvizni režim za državljane Azerbejdžana)

- (1) Državljeni Azerbejdžana, nosioci običnih pasoša, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine do 90 dana u periodu od šest mjeseci, počevši od dana prvog ulaska.
- (2) Državljeni Azerbejdžana, nosioci diplomatskih i službenih pasoša, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine do 30 dana, a u skladu sa zaključenim međunarodnim sporazumom.

Član 6.
(Bezvizni režim za državljane Brazila)

- (1) Državljanima Brazila, koji posjeduju važeće obične pasoše, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine u periodu koji ne prelazi 90 dana, s tim da ukupna dužina boravka ne prelazi 180 dana godišnje, od prvog ulaska u zemlju, a u skladu sa zaključenim međunarodnim sporazumom.
- (2) Državljanima Brazila, nosioci diplomatskih i službenih pasoša, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine do 90 dana, a u skladu sa zaključenim međunarodnim sporazumom.

Član 7.

(Bezvizni režim za državljane Egipta)

Državljanima Egipta, nosioci diplomatskih, službenih i specijalnih pasoša, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine do 90 dana, a u skladu sa zaključenim međunarodnim sporazumima.

Član 8.

(Bezvizni režim za državljane Indonezije)

Državljanima Indonezije, nosioci diplomatskih i službenih pasoša, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine do 90 dana, a u skladu sa zaključenim međunarodnim sporazumom.

Član 9.

(Bezvizni režim za državljane Izraela)

- (1) Državljanima Izraela, nosioci važećih običnih pasoša, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine do 90 dana u periodu od šest mjeseci, počevši od dana prvog ulaska.
- (2) Državljanima Izraela, nosioci diplomatskih i službenih pasoša, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine do 90 dana, a u skladu sa zaključenim međunarodnim sporazumom.

Član 10.

(Bezvizni režim za državljane Kazahstana)

Državljanima Kazahstana, nosioci diplomatskih i službenih pasoša, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine do 30

dana, a u skladu sa zaključenim međunarodnim sporazumom.

Član 11.

(Bezvizni režim za nosioce važećih pasoša Narodne Republike Kine, pasoša Tajvana i pasoša izdatih u Posebnim upravnim područjima Narodne Republike Kine)

- (1) Državljeni Narodne Republike Kine, nosioci diplomatskih, službenih i poslovno-običnih pasoša, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine do 90 dana, a u skladu sa zaključenim međunarodnim sporazumom.
- (2) Izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine u trajanju do 90 dana u periodu od šest mjeseci, počevši od dana prvog ulaska, nosioci pasoša Tajvana i to samo ukoliko je u pasoš unesen broj lične karte, kao i nosioci pasoša izdatih u Posebnim upravnim područjima Narodne Republike Kine: Hong Kong i Makao.

Član 12.

(Bezvizni režim za državljane Kube)

Državljeni Kube, nosioci diplomatskih i službenih pasoša, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine do 90 dana, a u skladu sa zaključenim međunarodnim sporazumom.

Član 13.

(Bezvizni režim za državljane Malezije)

Državljeni Malezije, nosioci važećih običnih, diplomatskih i službenih pasoša, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine u periodu koji ne prelazi 90 dana, a u skladu sa zaključenim međunarodnim sporazumom.

Član 14.

(Bezvizni režim za državljane Moldavije)

Državljeni Moldavije, nosioci diplomatskih i službenih pasoša, izuzimaju se od obaveze pribavljanja vize za ulazak, izlazak, tranzit i boravak na teritoriji Bosne i Hercegovine do 90 dana, a u skladu sa zaključenim međunarodnim sporazumom.

Član 15.

(Bezvizni režim za državljane Ruske Federacije)

- (1) Državljeni Ruske Federacije, nosioci običnih pasoša, pomorske knjižice (uz posjedovanje broskog dokumenta ili izvoda iz njega) i putne isprave (putni list) koja služi za povratak u Rusku Federaciju, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine, na period koji ne prelazi 30 dana u okviru svakih 60 dana, računajući od datuma prvog ulaska, a u skladu sa zaključenim međunarodnim sporazumom.
- (2) Državljeni Ruske Federacije, nosioci diplomatskih i službenih pasoša, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine do 90 dana, a u skladu sa zaključenim međunarodnim sporazumom.

Član 16.

(Bezvizni režim za državljane Ukrajine)

- (1) Državljeni Ukrajine, nosioci važećih običnih pasoša, dječijeg putnog dokumenta, pomorskih knjižica i identifikacionog dokumenta koji služi za povratak u Ukrajinu, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine na period koji ne prelazi 30 dana, u okviru dva mjeseca, od datuma prvog ulaska, a u skladu sa zaključenim međunarodnim sporazumom.
- (2) Državljeni Ukrajine, nosioci diplomatskih i službenih pasoša, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine do 90 dana, a u skladu sa zaključenim međunarodnim sporazumom.

Član 17.

(Bezvizni režim u slučaju posjedovanja višekratne Šengen vize ili dozvole boravka u zemljama potpisnicama Šengenskog sporazuma ili zemljama Evropske unije)

- (1) Državljeni zemalja sa kojima Bosna i Hercegovina ima vizni režim, mogu sa pasošem ući u Bosnu i Hercegovinu, bez obaveze pribavljanja viza za ulazak, izlazak, tranzit i boravak na teritoriji Bosne i Hercegovine i to ukoliko isti posjeduju važeću višekratnu Šengen vizu ili vizu zemlje Evropske unije ili odgovarajuću dozvolu boravka u zemljama Šengenskog područja ili zemljama Evropske unije i po obavljenoj provjeri odnosno kontroli granične policije Bosne i Hercegovine.
- (2) Odredbe iz stava (1) ovog člana važe samo ukoliko nosioci Šengen vize ili vize zemlje Evropske unije ili odgovarajuće dozvole boravka u zemljama Šengenskog područja ili zemljama Evropske unije, dolaze u Bosnu i Hercegovinu iz:
 - a) zemlje potpisnice Šengenskog sporazuma;
 - b) zemlje članice Evropske unije;

c) zemlje sa kojom Bosna i Hercegovina ima potpisan sporazum o readmisiji koji je stupio na snagu.

(3) Vrijeme boravka u Bosni i Hercegovini u slučajevima iz ovog člana, moguće je ukupno u trajanju do 90 dana u periodu od šest mjeseci, počevši od dana prvog ulaska, s tim da jedan neprekidan boravak u Bosni i Hercegovini ne može biti duži od 15 dana i u roku važenja vize ili dozvole boravka izdate od strane zemlje iz Šengen zone ili članice Evropske unije.

(4) Odredbe iz stava (1) ovog člana ne odnose se na lica koja imaju po bilo kojem osnovu zabranu ulaska, izlaska, tranzita i boravka u Bosni i Hercegovini.

Član 18.

(Bezvizni režim za nosioce Laissez-Passer)

Nosioci posebnih putnih isprava što ih izdaju Ujedinjeni narodi, odnosno specijalizirane ustanove Ujedinjenih naroda (Laissez-Passer) izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine do 90 dana u periodu od šest mjeseci, počevši od dana prvog ulaska.

Član 19.

(Bezvizni režim za nosioce diplomatskih i službenih pasoša po drugom osnovu)

Izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine do 90 dana nosioci važećih diplomatskih i službenih pasoša sljedećih zemalja:

Iran
Jordan
Pakistan
Saudijska Arabija
Tunis

Član 20.

(Bezvizni režim za nosioce lične karte)

Državljeni sljedećih zemalja mogu ulaziti, izlaziti, tranzitirati i boraviti na teritoriji Bosne i Hercegovine do 90 dana u periodu od šest mjeseci, počevši od dana prvog ulaska, osim sa putnom ispravom i sa važećom ličnom kartom kojom se dokazuje identitet i državljanstvo:

- 1) zemlje članice Europske Unije,
- 2) zemlje potpisnice Šengenskog sporazuma i
- 3) Andora, Crna Gora, Lihtenštajn, Monako, San Marino, Srbija, Sveta Stolica i Švicarska Konfederacija.

Član 21.

(Bezvizni režim za nosioce identifikacione iskaznice (ID) Ministarstva vanjskih poslova BiH)

Nosioci važećih diplomatskih, službenih, specijalnih ili običnih pasoša, koji su akreditovani pri Odjelu za diplomatski protokol Ministarstva vanjskih poslova Bosne i Hercegovine i kojima je izdata posebna iskaznica, izuzimaju se od obaveze pribavljanja viza za ulazak, izlazak, tranzit i boravak na teritoriji Bosne i Hercegovine, za vrijeme trajanja njihovog mandata.

Član 22.

(Bezvizni režim za pripadnike NATO i PFP)

- (1) Pripadnici snaga NATO i PFP mogu ulaziti, izlaziti, tranzitirati i boraviti na teritoriji Bosne i Hercegovine na osnovu:
 - a) iskaznice sa fotografijom koju je izdala zemlja koja šalje snage i na kojoj su navedeni pripadnikovo ime i prezime, datum rođenja, čin, broj (ako postoji) i vid,
 - b) pojedinačne ili grupne naredbe za kretanje pojedinaca ili grupe na jeziku zemlje koja šalje snage, te na engleskom i francuskom, a koju je izdala odgovarajuća služba zemlje koja šalje snage ili Organizacije Sjevernoatlanskog ugovora i koja potvrđuje status pojedinca ili grupe kao pojedinačnog pripadnika ili grupe pripadnika snaga i odobreno kretanje.
- (2) Pripadnici civilne komponente i članovi porodica snaga iz stava (1) ovog člana mogu ulaziti, izlaziti, tranzitirati i boraviti na teritoriji Bosne i Hercegovine ukoliko su kao takvi označeni u svojim pasošima.